



Province of the
EASTERN CAPE
EDUCATION



NASIONALE SENIORSERTIFIKAAT

GRAAD 12

JUNIE 2024

BESIGHEIDSTUDIES V2

PUNTE: 150

TYD: 2 uur

Hierdie vraestel bestaan uit 9 bladsye.

INSTRUKSIES EN INLIGTING

Lees die volgende instruksies aandagtig deur voordat die vrae beantwoord word.

1. Hierdie vraestel bestaan uit DRIE afdelings en dek TWEE van die hoofonderwerpe.

AFDELING A: VERPLIGTEND

AFDELING B: Bestaan uit DRIE vrae.

Beantwoord enige TWEE van die drie vrae in hierdie afdeling.

AFDELING C: Bestaan uit TWEE vrae.

Beantwoord enige EEN van die twee vrae in hierdie afdeling.

2. Lees die instruksies vir elke vraag aandagtig deur en neem deeglik kennis van wat vereis word.

Let wel dat SLEGS die antwoorde op die eerste TWEE vrae gekies in AFDELING B en die antwoorde op die EERSTE vraag gekies in AFDELING C nagesien sal word.

3. Nommer die antwoorde korrek volgens die nommeringstelsel wat in hierdie vraestel gebruik is. GEEN punte sal toegeken word vir antwoorde wat verkeerd genommer is NIE.
4. Behalwe waar ander instruksies gegee word, moet antwoorde in volsinne wees.
5. Gebruik die puntetoekenning en aard van elke vraag om die lengte en diepte van 'n antwoord te bepaal.
6. Gebruik die tabel hieronder as 'n gids vir punte- en tydstoekenning wanneer elke vraag beantwoord word.

AFDELING	VRAAG	PUNTE	TYD (minute)
A: Objektiewe tipe vrae VERPLIGTEND	1	30	20
B: DRIE direkte/indirekte tipe vrae KEUSE: Beantwoord enige TWEE.	2	40	70
	3	40	
	4	40	
C: TWEE opsteltipe vrae KEUSE: Beantwoord enige EEN.	5	40	30
	6	40	
TOTAAL		150	120

7. Begin die antwoord op ELKE vraag op 'n NUWE bladsy, bv. VRAAG 1 – NUWE bladsy, VRAAG 2 – NUWE bladsy.
8. Jy mag 'n nieprogrammeerbare sakrekenaar gebruik.
9. Skryf netjies en leesbaar.

AFDELING A (VERPLIGTEND)**VRAAG 1**

1.1 Verskeie opsies word as moontlike antwoorde vir die volgende vrae gegee. Kies die antwoord en skryf die letter (A–D) langs die vraagnommers (1.1.1 tot 1.1.5) in die ANTWOORDEBOEK neer, byvoorbeeld 1.1.6 D.

1.1.1 Clayton het die ... leierskapsteorie toegepas toe hy deur voorbeeld gelei het en positiewe gedrag beloon het.

- A situasionele
- B transaksionele-
- C transformasie-
- D leiers-en-volgeling

1.1.2 Die hoofsaaklik groei met die byvoeging van rente:

- A Saamgestelde rente
- B Kapitaalwinst
- C Enkelvoudige rente
- D Dividende

1.1.3 Frank Ondernemings het R4 000 teen 8% enkelvoudige rente per jaar belê. Hulle sal aan die einde van 18 maande 'n bedrag van ... as rente ontvang.

- A R489
- B R320
- C R380
- D R480

1.1.4 Hierdie is EEN van die stappe wat besighede kan oorweeg wanneer hulle konflik in die werkplek hanteer:

- A Implementeer dissiplinêre prosedure
- B Verskaf ontspanningsgeriewe
- C Kies 'n geskikte oplossing
- D Verskaf voordele

1.1.5 Thando Handelaars het nie al hul inkomste aan SAID verklaar nie, dit staan as ..., 'n tipe onetiese sakepraktyk bekend.

- A ongemagtigde gebruik van fondse
- B belastingontduiking
- C belastingontwyking
- D onbillike advertering

(5 x 2) (10)

- 1.2 Voltooi die volgende stellings deur die woord(e) in die lys hieronder te gebruik. Skryf slegs die woord(e) langs die vraagnommers (1.2.1 tot 1.2.5) in die ANTWOORDEBOEK neer.

deursigtigheid; RSA kleinhandelspaareffekte; nieverpligte versekering; besluitneming; effektrusts; klaer; aanspreeklikheid; kreatiewe denke; kundige; verpligte versekering

- 1.2.1 Risiko's wat deur die regering gereguleer word en nie versekeringskontrakte vereis nie, vorm deel van ...
- 1.2.2 Sophie het belê in ... wat deur 'n fondsbestuurder bestuur word en sy kan haar geld sonder boetes onttrek.
- 1.2.3 Die vermoë om aan oorspronklike en innoverende idees te dink, staan as ... bekend.
- 1.2.4 Suma Handelaars het ... as 'n King-kode-beginsel toegepas toe werknemers bewus gemaak is van die indiensnemingsbeleide van die besigheid.
- 1.2.5 Beige Industrieë het met 'n ... as 'n tipe moeilike persoonlikheid te doen gehad toe hulle na Duma se kritiek geluister het sonder om aan hom erkenning te gee.

(5 x 2) (10)

- 1.3 Kies 'n beskrywing uit KOLOM B wat by 'n term in KOLOM A pas. Skryf slegs die letter (A–J) langs die vraagnommers (1.3.1 tot 1.3.5) in die ANTWOORDEBOEK neer, byvoorbeeld. 1.3.6 K.

KOLOM A	KOLOM B
1.3.1 Bybetaling	A spanlede het 'n positiewe gesindheid van ondersteuning teenoor ander lede
1.3.2 Dividende	B die toepassing van die gedragskode van 'n beroep
1.3.3 Kragveld-ontleding	C spanlede respekteer die vaardighede van ander lede
1.3.4 Etiese gedrag	D opbrengs op 'n belegging in aandele
1.3.5 Gedeelde waardes	E betaal deur die versekerde wanneer 'n versekeringskontrak onderteken word
	F 'n groep deskundiges los besigheidsprobleme op sonder om hulle byeen te bring
	G opbrengs op 'n belegging in vaste bates
	H betaal deur die versekerde wanneer 'n eis ingedien word
	I 'n groep werknemers lys, dryf- en remkragte wat verandering sal ondersteun of teenstaan
	J vorm deel van 'n gedragskode om werknemers te lei

(5 x 2) (10)

TOTAAL AFDELING A: 30

AFDELING B

Beantwoord ENIGE TWEE vrae in hierdie afdeling.

LET WEL: Dui die VRAAGNOMMER van elke vraag wat jy kies, duidelik aan. Die antwoord op ELKE vraag moet boaan 'n NUWE bladsy begin, byvoorbeeld VRAAG 2 op 'n NUWE bladsy, VRAAG 3 op 'n NUWE bladsy.

VRAAG 2: BESIGHEIDSGELEENTHEDE

- 2.1 Noem enige VIER soorte voordele wat deur die Werkloosheidsversekeringsfonds (WVF) uitbetaal word. (4)
- 2.2 Beskryf kortliks die funksies van die Johannesburgse Sekuriteitebeurs (JSE). (6)
- 2.3 Identifiseer die soort voorkeuraandeel wat deur ELK van die onderstaande stellings verteenwoordig word:
- 2.3.1 Aandeelhouders is geregtig om in enige surplus maatskappywinste te deel
- 2.3.2 Aandeelhouders word vergoed vir vorige dividende wat nie uitbetaal is toe winste te laag was om dividende te verklaar nie (4)
- 2.4 Verduidelik enige TWEE beginsels van versekering. (6)
- 2.5 Lees die scenario hieronder en beantwoord die vrae wat volg.

BOY HANDELAARS (BH)

Boy Handelaars het hul besigheidsvoertuig vir R300 000 verseker terwyl die werklike waarde R400 000 is. Die voertuig was in 'n ongeluk betrokke, wat skade tot 'n bedrag van R130 000 tot gevolg gehad het.

- 2.5.1 Noem die versekeringsklousule wat op BH in die scenario hierbo van toepassing is. (2)
- 2.5.2 Bereken die bedrag wat BH as vergoeding van die versekeraar sal ontvang. Toon ALLE berekeninge. (4)
- 2.6 Bespreek die impak van Regering/RSA kleinhandelspaareffekte as 'n beleggingsvorm. (6)
- 2.7 Gee beleggers raad oor hoe die volgende faktore in ag geneem moet word wanneer beleggingsbesluite geneem word:
- 2.7.1 Opbrengs op belegging (4)
- 2.7.2 Beleggingstermyn (4)

[40]

VRAAG 3: BESIGHEIDSROLLE

- 3.1 Noem VIER probleemoplossingstappe. (4)
- 3.2 Beskryf kortliks die oorsake van konflik in die werkplek. (6)
- 3.3 Lees die scenario hieronder en beantwoord die vraag wat volg.

EDEN DRUKKERS (ED)

Eden Drukkers is welbekend vir die druk van gehalte leer- en besigheidsmateriaal. Sommige van ED se werknemers laai flieks af met die besigheid se internet, terwyl ander uitgebreide middagete-pouses neem.

- 3.3.1 Identifiseer TWEE tipes onprofessionele sakepraktyke wat op die scenario hierbo van toepassing is. Motiveer jou antwoord deur uit die scenario aan te haal.

Gebruik die tabel hieronder as 'n RIGLYN om VRAAG 3.3.1 te beantwoord.

TIPES ONPROFESSIONELE SAKEPRAKTYKE	MOTIVERINGS
1.	
2.	

(6)

- 3.4 Verduidelik hoe *onbillike advertensies* as 'n onetiese sakepraktyk uitdagings vir besighede inhou. (4)
- 3.5 Lees die scenario hieronder en beantwoord die vrae wat volg.

KUSLYN-HOTEL (KH)

Sive, die eienaar van Kuslyn-Hotel, het dikwels te doen met moeilike werknemers. Hy begin deur privaat met die moeilike werknemers te ontmoet om afleidings te vermy. Sive bly kalm en in beheer van die situasie om die moeilike werknemers te kry om saam te werk. Hy lei hulle ook deur alternatiewe.

- 3.5.1 Haal TWEE maniere aan waarop KH moeilike werknemers in die werkplek hanteer. (2)
- 3.5.2 Verduidelik ander maniere waarop besighede moeilike werknemers in die werkplek kan hanteer. (6)
- 3.6 Bespreek die korrekte prosedure om griewe in die werkplek te hanteer. (6)
- 3.7 Beveel maniere aan waarop professionele, verantwoordelike, etiese en effektiewe sakepraktyke uitgevoer behoort te word. (6)

[40]

VRAAG 4: DIVERSE ONDERWERPE**BESIGHEIDSGELEENTHEDE**

- 4.1 Noem enige VIER voorbeelde van langtermynversekering. (4)
- 4.2 Beskryf kortliks die voordele van versekering vir besighede. (4)
- 4.3 Lees die scenario hieronder en beantwoord die vrae wat volg.

RONALD LOGISTIEKE (RL)

Ronald Logistieke is besig om hul surplusfondse te belê. Hulle het belê in die beleggingsvorm waar die hoofsaaklik plus rente op die vervaldatum uitbetaal sal word.

- 4.3.1 Identifiseer die beleggingsvorm wat op die scenario hierbo van toepassing is. (2)
- 4.3.2 Bespreek die impak van die beleggingsvorm wat in VRAAG 4.3.1 geïdentifiseer is. (6)
- 4.4 Stel situasies voor waarop die charismatiese leierskapstyl in die werkplek toegepas kan word. (4)

BESIGHEIDSROLLE

- 4.5 Beskryf kortliks die verskil tussen *griewe* en *konflik* in die werkplek. (4)
- 4.6 Lees die scenario hieronder en beantwoord die vrae wat volg.

DERRY ONDERNEMINGS (DO)

Kenneth, die spanleier by Derry Ondernemings, wil die konflik in sy verkoopspan oplos. Spanlede konfronteer voortdurend mekaar se idees, wat hul vordering vertraag.

- 4.6.1 Identifiseer die stadium van spanontwikkeling wat deur DO in die scenario hierbo vertoon word. (2)
- 4.6.2 Verduidelik die stadium van spanontwikkeling wat in VRAAG 4.6.1 geïdentifiseer is. (4)
- 4.7 Bespreek die belangrikheid van spandinamika-teorieë in die verbetering van spanprestasie. (6)
- 4.8 Beveel maniere aan waarop besighede seksuele teistering as 'n tipe onprofessionele sakepraktyk kan hanteer. (4)

[40]**TOTAAL AFDELING B: 80**

AFDELING C

Beantwoord ENIGE EEN vraag in hierdie afdeling.

LET WEL: Dui die VRAAGNOMMER van elke vraag wat jy kies, duidelik aan. Die antwoord op ELKE vraag moet boaan 'n NUWE bladsy begin, bv. VRAAG 5 op 'n NUWE bladsy OF VRAAG 6 op 'n NUWE bladsy.

VRAAG 5: BESIGHEIDSGELEENTHEDE (BESTUUR EN LEIERSKAP)

Die demokratiese leierskapstyl word dikwels deur besighede gebruik, terwyl die outokratiese leierskapstyl soms vereis kan word. Die situasionele leierskapteorie lei besighede in die bestuur van werknemers. Sommige leiers glo in die doeltreffendheid van die laissez-faire en transaksionele leierskapstyle. Die persoonlike houding van die leier speel 'n kritieke rol in suksesvolle leierskap.

Skryf 'n opstel oor bestuur en leierskap waarby jy die volgende aspekte insluit:

- Beskryf kortliks die verskille tussen die *demokratiese* en *outokratiese* leierskapstyle.
- Verduidelik die *situasionele leierskapsteorie*.
- Bespreek die impak van die volgende leierskapstyle op besighede:
 - Laissez-faire
 - Transaksionele
- Gee besighede raad oor die rol van persoonlike houding in suksesvolle leierskap.

[40]**VRAAG 6: BESIGHEIDSROLLE (KREATIEWE DENKE EN PROBLEEM-OPLOSSING)**

Besighede staar daagliks baie uitdagings in die gesig wat probleemoplossing en besluitneming vereis. Om kreatief te wees is 'n groot voordeel en kan toegepas word deur probleme op te los deur 'n dinkskrum en nominale groeptegniek. Daarom is dit belangrik vir besighede om voorsiening te maak vir 'n kreatiewe werksomgewing.

Skryf 'n opstel oor kreatiewe denke en probleemoplossing waarby jy die volgende aspekte insluit:

- Beskryf kortliks die verskille tussen *probleemoplossing* en *besluitneming*.
- Verduidelik die voordele van kreatiewe denke in die werkplek.
- Bespreek die impak van die volgende probleemoplossingstegnieke:
 - Dinkskrum
 - Nominale groeptegniek
- Beveel maniere aan waarop besighede 'n omgewing kan skep wat kreatiewe denke in die werkplek bevorder.

[40]

TOTAAL AFDELING C: 40
GROOTTOTAAL: 150